

Lasours Mo Lavi

Pa dife ki kras poizon dan lesiel deza malad; pa labrez ki kouma tret anba lasann, bril
lipie, anflam soufrans; pa etinsel ki pet anler dan gran fraka me tingn vit-vit, fre ek steril;
pa laflam fezer ki fer so vantar ar lekiri, bril enn vas ek so baba.

Non, non, non. Enn lot dife. Enn dife kouma enn poumon kosmik ki ponp laflam veloute
refroidi par lamour invizib, partou san les enn mikron sape; enn labrez nourri ar manteg ek
sanbrani ki parfim lespas; enn etinsel ki alim lavi e gid so pa pou li retourn dan vant
koumansman; enn laflam sakre permanan ki partou anmemtan ek ki tras sime Listoir san
touv liberte.

Limem mo Senier, lasours mo lavi, lasours kot enn zour mo pou al boir ... si mo Senier
apel moi.